



Implemented by:



Schweizerische Eidgenossenschaft
Confédération suisse
Confederazione Svizzera
Confederaziun svizra

KONCEPT PRAVNOG AKTA – PRAVILNIKA O INSTITUCIONALIZACIJI METODOLOGIJE ZA PRIKUPLJANJE PODATAKA O KOLIČINAMA I SASTAVU KOMUNALNOG OTPADA

Decembar 2015. godine



KONCEPT PRAVNOG AKTA - PRAVILNIKA O INSTITUCIONALIZACIJI METODOLOGIJE ZA PRIKUPLJANJE PODATAKA O KOLIČINAMA I SASTAVU KOMUNALNOG OTPADA

Institucionalizacija metodologije za prikupljanje podataka o količinama i sastavu komunalnog otpada i propisivanje obaveze vođenja evidencije o prikupljenom komunalnom otpadu regulira se kroz odredbe Zakona o upravljanju otpadom država učesnica Projekta „Prikupljanje podataka o čvrstom otpadu u Jugoistočnoj Europi“.

U cilju utvrđivanja obaveze o uspostavi i vođenju evidencije o prikupljenom komunalnom otpadu i propisivanja metodologije za prikupljanje podataka o količinama i sastavu komunalnog otpada na teritoriji jedinice lokalne samouprave potrebno je u tekst Zakona o upravljanju otpadom unijeti odredbu, koja bi glasila:

„Član _____

(Evidencija o komunalnom otpadu)

- (1) Organ uprave jedinice lokalne samouprave nadležan za poslove upravljanja otpadom dužan je da vodi evidenciju o prikupljenom komunalnom otpadu na teritoriji jedinice lokalne samouprave.
- (2) Evidencija o prikupljenom komunalnom otpadu sadrži podatke o količinama i sastavu komunalnog otpada prikupljenog na teritoriji jedinice lokalne samouprave.
- (3) Prikupljanje podataka o količinama i sastavu komunalnog otpada obezbjeđuje javno komunalno preduzeće ili drugi pravni subjekt kojem je jedinica lokalne samouprave povjerila obavljanje komunalne djelatnosti postupanja sa komunalnim otpadom.
- (4) Podatke o količinama i sastavu prikupljenog komunalnog otpada javno komunalno preduzeće ili drugi pravni subjekt koji obavlja komunalnu djelatnost postupanja sa komunalnom otpadom dostavlja organu uprave jedinice lokalne samouprave nadležnom za poslove upravljanja otpadom dvaput godišnje i to do 15. jula za prvu polovinu tekuće godine i do 15. januara za prethodnu godinu.
- (5) Podatke iz evidencije o prikupljenom komunalnom otpadu organ uprave jedinice lokalne samouprave nadležan za poslove upravljanja otpadom dostavlja pravnom subjektu (Agencija, fond ili dr.) koji upravlja informacionim sistemom upravljanja otpadom na državnom nivou (u Bosni i Hercegovini na entitetskom nivou) najkasnije do 31. januara za prethodnu godinu.
- (6) Metodologiju za prikupljanje podataka o količinama i sastavu komunalnog otpada prikupljenog na teritoriji jedinice lokalne samouprave propisuje svojim aktom – Pravilnikom rukovodilac (Ministar) organa državne uprave nadležnog za poslove upravljanja otpadom (u Bosni i Hercegovini entitetskog organa uprave).

Pored odredbe, kojom se reguliše obaveza uspostave i vođenja evidencije o komunalnom otpadu u Zakonu o upravljanju otpadom moraju se detaljno urediti i regulisati sve aktivnosti u upravljanju otpadom čiji kvalitet i efikasnost obavljanja upravo zavisi od korištenja podataka i informacija različitih baza podataka koje su sastavni dio informacionog sistema upravljanja otpadom.

Zakonom o upravljanju otpadom moraju se detaljno i konkretno regulisati nadležnosti, obaveze i odgovornosti kako u obavljanju djelatnosti upravljanja otpadom, tako i u obezbjeđivanju uslova za optimalno i nesmetano obavljanje svih aktivnosti u upravljanju otpadom. To se naročito odnosi na nadležnost, obaveze i odgovornosti jedinica lokalne samouprave u upravljanju komunalnim otpadom, s obzirom da su one, na osnovu Zakona o komunalnim djelatnostima i Zakona o lokalnoj

samoupravi odgovorne za stvaranje uslova za obavljanje i razvoj komunalnih djelatnosti, u koje spada i komunalna djelatnost zbrinjavanja komunalnog otpada.

Zakon o upravljanju otpadom treba da detaljnije i konkretnije reguliše upravni, stručni i inspekcijski nadzor nad obavljanjem aktivnosti u upravljanju otpadom, a za neizvršavanje Zakonom utvrđenih obaveza i odgovornosti moraju se predvidjeti odgovarajuće sankcije.

Zakonom o upravljanju otpadom također treba predvidjeti i postupanje nadležnih državnih organa (u BiH entitetskih i kantonalnih organa) u slučaju neizvršavanja obaveza od strane jedinice lokalne samouprave i javnog komunalnog preduzeća, koje obavlja djelatnost zbrinjavanja komunalnog otpada.

Uspostava, održavanja i korištenje baza podataka o komunalnom i drugim vrstama otpada u najvećoj mjeri će zavisiti od načina i nivoa funkcionisanja i obavljanja svih aktivnosti u upravljanju otpadom na teritoriji jedinice lokalne samouprave. U nastavku teksta daje se prijedlog koncepta Pravilnika o metodologiji za prikupljanje podataka o količinama i sastavu komunalnog otpada na teritoriji jedinice lokalne samouprave.

Predloženi tekst koncepta Pravilnika o metodologiji za prikupljanje podataka o količinama i sastavu komunalnog otpada predstavlja ogledni primjerak, a svaka od država učesnica Projekta „Prikupljanje podataka o čvrstom otpadu u Jugoistočnoj Europi“ može, u skladu sa stanjem u upravljanju komunalnim otpadom, tekst Pravilnika prilagoditi stanju i uslovima u obavljanju djelatnosti postupanja sa komunalnim otpadom na svojoj teritoriji.

Na osnovu člana _____ stav _____ Zakona o upravljanju otpadom („Službeni list /glasnik/novine _____“, broj: _____ / _____), rukovodilac organa državne uprave nadležnog za poslove upravljanja otpadom (staviti tačan naziv organa uprave nadležnog za poslove upravljanja otpadom) donosi:

**PRAVILNIK O METODOLOGIJI
ZA PRIKUPLJANJE PODATAKA O KOLIČINAMA I SASTAVU KOMUNALNOG OTPADA NA
TERITORIJI JEDINICE LOKALNE SAMOUPRAVE**

-Koncept Pravilnika-

**Član 1.
(Predmet Pravilnika)**

Ovim Pravilnikom propisuje se metodologija za prikupljanje podataka o količinama i sastavu komunalnog otpada proizvedenog na teritoriji jedinice lokalne samouprave.

**Član 2.
(Odgovornost za obezbjeđenje uslova za prikupljanje podataka o količinama i sastavu
komunalnog otpada)**

Odgovornost za obezbjeđenje uslova za provođenje postupka prikupljanja podataka o količinama i sastavu komunalnog otpada proizvedenog na teritoriji jedinice lokalne samouprave leži na jedinici lokalne samouprave.

**Član 3.
(Provođenje postupka prikupljanja podataka o količinama i sastavu komunalnog otpada)**

Postupak prikupljanja podataka o količinama i sastavu komunalnog otpada proizvedenog na teritoriji jedinice lokalne samouprave obavlja javno komunalno preduzeće ili drugi pravni subjekt koji obavlja komunalnu djelatnost postupanja sa komunalnim otpadom na teritoriji jedinice lokalne samouprave.

**Član 4.
(Vremenska i prostorna dimenzija postupka prikupljanja podataka o količinama i sastavu
komunalnog otpada)**

- (1) Postupak prikupljanja podataka o količinama i sastavu proizvedenog komunalnog otpada obuhvata vremensku i prostornu dimenziju.
- (2) Vremenska dimenzija postupka prikupljanja podataka o količinama i sastavu komunalnog otpada obuhvata četiri perioda prikupljanja podataka: proljeće, ljeto, jesen i zima, kako bi se u obzir uzele sezonske varijacije u proizvodnji komunalnog otpada tokom godine.
- (3) Prikupljanje podataka o količinama komunalnog otpada vrši se u razdoblju od 7 dana sukcesivno, uključujući i dane vikenda.
- (4) Prikupljanje podataka o sastavu komunalnog otpada vrši se jedan dan u toku sedmice u kojoj se vrši prikupljanje podataka o količinama komunalnog otpada.
- (5) Prostornu dimenziju postupka prikupljanja podataka o količinama komunalnog otpada obuhvata cijeli teritoriji jedinice lokalne samouprave, odnosno sva naseljena mjesta koja su pokrivena organizovanim sakupljanjem komunalnog otpada.
- (6) Prostornu dimenziju postupka prikupljanja podataka o sastavu komunalnog otpada obuhvataju tri zone – područja stanovanja na teritoriji jedinice lokalne samouprave, i to:

- a) Urbana zona sa kolektivnim stanovanjem (stanovanje u blokovima stambenih zgrada), uključujući javne i komercijalne sadržaje unutar zone,
 - b) Urbana zona sa individualnim stanovanjem (stanovanje u individualnim stambenim zgradama koje imaju dvorište/baštu) u okviru gradske zone,
 - c) Ruralna zona sa individualnim stanovanjem (stanovanje u individualnim stambenim zgradama koje imaju dvorište/baštu), van gradske zone.
- (7) Veličina zona stanovanja u okviru kojih se vrši prikupljanje podataka o sastavu komunalnog otpada utvrđuje se u odnosu na broj domaćinstava – korisnika usluge sakupljanja i odvoza komunalnog otpada, i to:
- a) Urbana zona sa kolektivnim stanovanjem treba da obuhvati najmanje 100 domaćinstava – korisnika usluge,
 - b) Urbana zona sa individualnim stanovanjem i ruralna zona sa individualnim stanovanjem trebaju da obuhvate između 50 i 100 domaćinstava – korisnika usluga.
- (8) Prilikom utvrđivanja granica zona stanovanja iz prethodnog stava ovog člana treba voditi računa o postojećim zonama i rutama prikupljanja komunalnog otpada i lokacijama i broju postojećih kanti / kontejnera za odlaganje komunalnog otpada u okviru tih zona.
- (9) U ukupne količine proizvedenog komunalnog otpada koji je predmet postupaka prikupljanja podataka o količinama i sastavu komunalnog otpada računaju se i odvojeno prikupljene pojedine komponente komunalnog otpada, ukoliko je njihovo prikupljanje organizovano na teritoriji jedinice lokalne samouprave.

Član 5.

(Prikupljanje podataka o količinama komunalnog otpada)

- (1) Prikupljanje podataka o količinama komunalnog otpada proizvedenog na teritoriji jedinice lokalne samouprave vrši se mjerenjem ukupne mase proizvedenog komunalnog otpada (u kg).
- (2) Postupak prikupljanja podataka o količinama komunalnog otpada dat je u Prilogu 1. „Prikupljanje podataka o količinama komunalnog otpada“, koji je sastavni dio ovog Pravilnika.

Član 6.

(Prikupljanje podataka o sastavu komunalnog otpada)

- (1) Prikupljanje podataka o sastavu komunalnog otpada vrši se sortiranjem (odvajanjem) i mjerenjem ukupne mase (u kg) svakog pojedinačnog materijala (komponente) komunalnog otpada iz ukupne mase miješanog komunalnog otpada proizvedenog unutar tretiranih zona stanovanja, posebno za svaku zonu.
- (2) Odvajanje pojedinih materijala (komponenti) komunalnog otpada vrši se prema Katalogu sortiranja, koji je dat u Prilogu 2. ovog Pravilnika i čini njegov sastavni dio.
- (3) Postupak prikupljanja podataka o sastavu komunalnog otpada dat je u Prilogu 3. Prikupljanje podataka o sastavu komunalnog otpada, koji je sastavni dio ovog Pravilnika.

Član 7.

(Završna odredba)

Ovaj Pravilnik stupa na snagu osmog dana od dana objavljivanja u „Službenom listu/glasniku/novinama _____“.

Broj: _____

Rukovodilac organa državne uprave

Datum: _____

PRILOG 1. – PRIKUPLJANJE PODATAKA O KOLIČINAMA KOMUNALNOG OTPADA

Postupak prikupljanja podataka o količinama proizvedenog komunalnog otpada obuhvata proizvodnju komunalnog otpada na teritoriji jedinice lokalne samouprave u razdoblju od 7 dana.

Prikupljanje podataka o ukupnoj masi proizvedenog komunalnog otpada vrši se mjerenjem mase punih vozila za sakupljanje i transport otpada, koja sakupljaju komunalni otpad na teritoriji jedinice lokalne samouprave.

Ukoliko na teritoriji jedinice lokalne samouprave postoji i organizovano sakupljanje pojedinih korisnih komponenti komunalnog otpada (papir, plastika, staklo i dr.) u obračun ukupne mase proizvedenog komunalnog otpada uzimaju se mase tih komponenti.

Mjerenje mase punih vozila za sakupljanje i transport otpada vrši se na kolskim vagama javnog komunalnog preduzeća ili drugih privrednih subjekata na teritoriji jedinice lokalne samouprave.

Mjerenje se vrši četiri puta u toku godine, i to: zimi, u proljeće, ljeti i u jesen, odnosno za sva godišnja doba u trajanju od 7 dana sukcesivno, uključujući i dane vikenda.

Potrebne uslove za mjerenje mase proizvedenog komunalnog otpada obezbjeđuje javno komunalno preduzeće (kolska vaga, nadzor pri mjerenju, evidentiranje rezultata mjerenja u obrasce i dr.).

Prije početka sakupljanja komunalnog otpada vrši se mjerenje praznih vozila za sakupljanje i transport otpada, odnosno utvrđuje masa praznih vozila (tara težina). Mjerenje praznih vozila vrši se jednokratno, na početku postupka prikupljanja podataka o količinama komunalnog otpada. U cilju lakše identifikacije i praćenja svako vozilo obilježava se brojem.

Vozila za sakupljanje i transport otpada sakupljaju komunalni otpad na teritoriji jedinice lokalne samouprave po planiranom rasporedu. Kada vozilo za sakupljanje i transport otpada bude napunjeno do svog punog kapaciteta, odvozi se na lokaciju na kojoj se nalazi kolska vaga i vrši mjerenje njegove bruto težine i zapisivanja dobijenih podataka u odgovarajući obrazac.

Nakon izvršenog mjerenja i zapisivanja dobijenih podataka vozilo za sakupljanje i transport komunalnog otpada odvozi se na deponiju otpada ili na mjesto određeno za sortiranje komunalnog otpada. Nakon pražnjenja vozilo za sakupljanje i transport komunalnog otpada nastavlja sa skupljanjem otpada po planiranom rasporedu.

Ciklus mjerenja mase proizvedenog komunalnog otpada se ponavlja, po istim koracima, sve dok se ne završi sakupljanje otpada sa teritorija jedinice lokalne samouprave i u vremenskom razdoblju od 7 dana.

Ukoliko sakupljanje otpada vrši više vozila za sakupljanje i transport otpada, mjerenje i pražnjenje mase svih vozila vrši se na isti način.

Zapisivanje (evidentiranje) podataka o količinama proizvedenog komunalnog otpada vrši se na obrascu, koji je sastavni dio ovog Priloga. U obrazac se unose slijedeći podaci:

- Broj vozila za sakupljanje i transport otpada,
- Datum mjerenja punog vozila,
- Tara težina vozila (prazno vozilo) u tonama (ili kg),

- Bruto težina vozila (puno vozilo) u tonama (ili kg),
- Neto težina otpada po turama u tonama (ili kg),
- Primjedbe vezane za postupak mjerenja.

Neto težina otpada dobije se oduzimanjem tara težine vozila od bruto težine vozila.

Na osnovu ovako prikupljenih podataka iskazuje se koliko je komunalnog otpada proizvedeno na teritoriji jedinice lokalne samouprave u vremenskom razdoblju od 7 dana.

Podaci se iskazuju za cijelu teritoriju jedinice lokalne samouprave na kojoj se vršio postupak prikupljanja podataka o količinama komunalnog otpada.

Procjena broja stanovnika obuhvaćenog uslugom sakupljanja komunalnog otpada vrši se na osnovu podataka iz evidencije korisnika usluga zbrinjavanja komunalnog otpada koju vodi javno komunalno preduzeće i statističkih podataka o stanovništvu na teritoriji jedinice lokalne samouprave koji se vode u nadležnoj službi jedinice lokalne samouprave.

Određivanje dnevne mase komunalnog otpada po stanovniku na teritoriji jedinice lokalne samouprave vrši se tako da se ukupna masa proizvedenog komunalnog otpada na teritoriji jedinice lokalne samouprave u vremenskom razdoblju od 7 dana podijeli sa ukupnim brojem stanovnika obuhvaćenim uslugom sakupljanja komunalnog otpada i brojem 7 (dana u kojima se vršilo mjerenje mase proizvedenog komunalnog otpada), na slijedeći način:

$$\text{Prosječna količina komunalnog otpada} = \frac{\text{ukupna količina otpada (u kg) u 7 dana sakupljanja}}{\text{broj stanovnika na teritoriji JLS obuhvaćen uslugom sakupljanja otpada X 7 dana}} = \text{___ kg/stan/dan}$$

OBRAZAC 1. PODACI O KOLIČINAMA PROIZVEDENOG KOMUNALNOG OTPADA

Jedinica lokalne samouprave:

Javno komunalno preduzeće:

Broj stanovnika na teritoriji JLS obuhvaćen uslugom sakupljanja komunalnog otpada:

Broj dana i period sakupljanja i mjerenja otpada: _____

Red. Br.	Broj vozila za sakupljanje i transport otpada	Tara težina vozila u kg	Datum mjerenja punog vozila	Bruto težina punog vozila po turama u kg	Neto težina otpada po turama u kg	Bilješke i zapažanja
1.	2.	3.	4.	5.	6.	7.
1.						
2.						
3.						
4.						
5.						
6.						
7.						
Ukupna neto težina otpada na teritoriji JLS za 7 dana						

PRILOG 2. – KATALOG SORTIRANJA KOMUNALNOG OTPADA

Katalog sortiranja komunalnog otpada obuhvata slijedeće materijale, odnosno komponente miješanog komunalnog otpada:

1. Papir,
2. Karton,
3. Plastični ambalažni otpad,
4. Plastične kese,
5. Ostali plastični neambalažni otpad,
6. Staklo,
7. Tekstil,
8. Koža,
9. Gumeni otpad,
10. Drveni otpad,
11. Metal – ambalažni i ostali,
12. Obojeni metal – aluminijske konzerve,
13. Kompozitni materijali – tetrapak i dr.
14. Građevinski otpad,
15. Pelene,
16. Baštenski otpad,
17. Biorazgradivi otpad od hrane,
18. Ostatak miješanog komunalnog otpada.

Zavisno o specifičnostima tretiranih zona stanovanja (urbana/ruralna, individualno/kolektivno stanovanje) i vremenskog razdoblja u kojem se vrši sortiranje komunalnog otpada (zima/ proljeće/ ljeto/ jesen) predmet sortiranja mogu biti i drugi materijali, odnosno komponente komunalnog otpada.

PRILOG 3. PRIKUPLJANJE PODATAKA O SASTAVU KOMUNALNOG OTPADA

Postupak prikupljanja podataka o sastavu komunalnog otpada vrši se jedan dan u toku sedmice u kojoj se vrši i postupak prikupljanja podataka o količinama komunalnog otpada.

Količina (masa) sakupljenog miješanog komunalnog otpada unutar svake zone stanovanja u kojima se vrši postupak prikupljanja podataka o sastavu komunalnog otpada treba da bude približno po 500 kg.

Postupak prikupljanja podataka o sastavu proizvedenog komunalnog otpada vrši se sortiranjem (odvajanjem), analizom i mjerenjem mase pojedinih materijala, odnosno komponenti miješanog komunalnog otpada.

Postupak sortiranja pojedinih materijala, odnosno komponenti miješanog komunalnog otpada i mjerenje mase tih materijala vrši se u centrima za reciklažu otpada (reciklažna dvorišta), centrima za sortiranje otpada (sortirnice u okviru centara za upravljanje otpadom) ili na posebnom mjestu određenom i uređenom od strane javnog komunalnog preduzeća, koje vrši postupak prikupljanja podataka o sastavu komunalnog otpada.

Prostor na kojem će se vršiti sortiranje i mjerenje mase komponenti komunalnog otpada treba da bude natkriven i da u njemu postoji priključak na električnu mrežu. Unutar prostora treba obezbjeđiti određeni broj kanti i kontejnera za odlaganje sortiranih i izmjerenih komponenti komunalnog otpada.

Potrebne uslove za sortiranje i mjerenje mase izdvojenih komponenti miješanog komunalnog otpada obezbjeđuje javno komunalno preduzeće koje vrši postupak prikupljanja podataka o sastavu komunalnog otpada.

Obezbjeđenje uslova za sortiranje i mjerenje mase izdvojenih komponenti miješanog komunalnog otpada podrazumjeva slijedeće:

- Osoblje – angažman 5 - 6 osoba za sortiranje, mjerenje mase i evidentiranje rezultata sortiranja i mjerenja, te nadzor nad cijelim postupkom sortiranja i analize otpada;
- Oprema za ličnu zaštitu osoblja - zaštitna odjela, vodonepropusne rukavice, čizme, maske i dr;
- Posude za odlaganje komponenti otpada - kante i/ili vreće;
- Priručni alat za rukovanje sa otpadom – lopate, grablje, vile, metle, tačke i dr;
- Vage za mjerenje mase sortiranih komponenti komunalnog otpada - 1 vaga do 5 kg i 1 vaga do 50 kg;
- Kalkulator;
- Obrasci i papir za evidentiranje i bilježenje podataka - rezultata sortiranja i mjerenja mase izdvojenih komponenti komunalnog otpada.

U toku postupka sortiranja i analize sastava komunalnog otpada mora se voditi računa o zdravstvenim i sigurnosnim aspektima, odnosno primjeni zdravstvenih standarda i odgovarajućih zaštitnih mjera, davanju detaljnih uputa osoblju koje radi na sortiranju i mjerenju komponenti komunalnog otpada, te nadzoru nad izvršavanjem postupka sortiranja i mjerenja otpada.

Određenog dana u okviru kojeg je predviđeno prikupljanje podataka o sastavu komunalnog otpada, vozila za sakupljanje i transport komunalnog otpada koja su sakupila komunalni otpad unutar tretiranih zona stanovanja, nakon mjerenja količine (mase) sakupljenog komunalnog

otpada na kolskoj vagi, dovoze i istresaju komunalni otpad na mjesto koje je određeno za sortiranje i mjerenje mase komponenti komunalnog otpada. Dovezeni komunalni otpad treba biti u rastresitom (nezbijenom) stanju sa minimalnim postotkom vlažnosti.

Nakon pražnjenja vozila, osoblje koje radi na sortiranju otpada ručno izdvaja pojedine komponente komunalnog otpada prema Katalogu sortiranja i odlaže ih u za to pripremljene posude (kante ili vreće).

Nakon razvrstavanja komponenti komunalnog otpada vrši se mjerenje mase svake komponente komunalnog otpada (u kg). Podaci – rezultati mjerenja izdvojenih komponenti komunalnog otpada unose se u odgovarajući obrazac. Postupak se dodatno dokumentira fotografiranjem izdvojenih komponenti komunalnog otpada.

Podaci, rezultati o sastavu komunalnog otpada koji se dobiju sortiranjem, analizom i mjerenjem mase svih izdvojenih komponenti komunalnog otpada posebno se evidentiraju za svaku tretiranu zonu stanovanja.

Zapisivanje podataka o sastavu komunalnog otpada, odnosno masi svakog materijala, odnosno komponente komunalnog otpada, vrši se na obrascu koji je sastavni dio ovog Priloga. Za svaku zonu stanovanja podaci se unose u poseban obrazac.

U obrazac se unose podaci o ukupnoj masi dovezenog i analiziranog komunalnog otpada i podaci za svaki materijal, odnosno komponentu komunalnog otpada.

Maseni (težinski) dio svake komponente komunalnog otpada izračunava se i iskazuje težinski i procentualno, u odnosu na ukupnu masu tretiranog komunalnog otpada.

Na osnovu podataka iz evidencije korisnika usluga javnog komunalnog preduzeća vrši se procjena broja stanovnika obuhvaćenog sakupljanjem komunalnog otpada unutar svake tretirane zone stanovanja.

Rezultati – podaci o sastavu komunalnog otpada na nivou jedinice lokalne samouprave dobiju se uzimanjem u obzir udjela broja stanovnika svake od tri tretirane zone stanovanja u ukupnom broju stanovnika jedinice lokalne samouprave, vodeći pritom računa o strukturi stanovništva jedinice lokalne samouprave (urbano /ruralno) i vremenskim varijacijama (zima, proljeće, ljeto, jesen).

OBRAZAC 2. PODACI O SASTAVU KOMUNALNOG OTPADA

Jedinica lokalne samouprave:

Javno komunalno preduzeće:

Zona stanovanja: _____

Broj stanovnika zone stanovanja:

Broj dana u okviru kojih je sakupljen komunalni otpad: _____

Red. br.	Vrsta komponente komunalnog otpada – po katalogu sortiranja	Podaci o masi dovezenog i analiziranog komunalnog otpada po komponentama	
		kg	%
1	2	3	4
1.	Papir		
2.	Karton		
3.	Plastični ambalažni otpad		
4.	Plastične kese		
5.	Ostali plastični neambalažni otpad		
6.	Staklo		
7.	Tekstil		
8.	Koža		
9.	Gumeni otpad		
10.	Drveni otpad		
11.	Metal – ambalažni i ostali		
12.	Obojeni metal – aluminijske konzerve		
13.	Kompozitni materijali – tetrapak i ostalo		
14.	Građevinski otpad		
15.	Pelene		
16.	Baštenski otpad		
17.	Biorazgradivi otpad od hrane		
18.	Ostatak miješanog komunalnog otpada		
	Ukupna masa tretiranog miješanog komunalnog otpada		

Bilješke i zapažanja:
